



J.P. MEĐUNARODNI AERODROM "SARAJEVO" D.O.O.

Kurta Schorka 36, 71210 Sarajevo, Bosna i Hercegovina

Registrovano kod: Općinski sud Sarajevo, MBS 65-01-0419-11; JIB 4200068970001; Carinski broj 200068970001
RAČUN: 3387302205238447, UniCredit banka d.d. Mostar, BiH

Vrsta dok.	Izdavač	RB
DOP	5 01	3195

Strana:
1 od 1

Broj protokola: 05-1-25-1-1393-22/24

JAVNO

DATUM: 25.07.2024. godine

PRIMALAC: UHY REVIDENT d.o.o. Mostar
ORECONS&AUDIT d.o.o. Zenica
BAKER TILLY RE OPINION d.o.o. Sarajevo
ADDRESS d.o.o. Sarajevo
ZUKO d.o.o. Sarajevo
ALFA REVIZIJA d.o.o. Banovići
GRANT THORNTON d.o.o. Banja Luka

PREDMET: Obavijest o poništenju postupka nabavke usluge:
– Usluge revizije finansijskih izvještaja za period 2024. – 2026. godina

VEZA: Naš broj: 1393/24

Poštovani,

na osnovu člana 71. Zakona o javnim nabavkama ("Službeni glasnik BiH", broj 39/14 i 59/22) obavještavamo vas da je, nakon okončane procedure pribavljanja ponuda za nabavku: Usluge revizije finansijskih izvještaja za period 2024. – 2026. godina, provedene metodom Konkurentski zahtjev za dostavu ponuda, na prijedlog Komisije za provođenje postupka nabavke, odlukom Uprave J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, predmetni postupak nabavke poništen.

S poštovanjem,



Prilog: Odluka o poništenju postupka;

DOSTAVLJENO:

1. Ponuđaču
2. Upravi Društva
3. Sektoru za administrativnu podršku
4. a/a

DOP PR 05-00 03 01 Dopis, 1. Izdanje/Rev 0



	Tel	Fax	E-mail
INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	opc@sarajevo-airport.ba
WEB	www.sarajevo-airport.ba		

Handwritten signature

Handwritten signature



Datum: 25.07.2024. godine

Na osnovu člana 70., a u vezi sa članom 69. stav (3) Zakona o javnim nabavkama („Službeni glasnik BiH“, broj 39/14 i 55/22) i člana 45. Statuta J.P. Međunarodni aerodrom "SARAJEVO" d.o.o. Sarajevo, te na osnovu izvještaja i preporuke Komisije za provođenje postupka nabavke: Usluge revizije finansijskih izvještaja za period 2024. – 2026. godina, broj: 05-3-25-1-1393-20/24 od 23.07.2024. godine, Uprava J.P. Međunarodni aerodrom "SARAJEVO" d.o.o. Sarajevo, na 231. sjednici, održanoj dana 25.07.2024. godine, donosi

ODLUKU

I

PONIŠTAVA SE postupak nabavke: Usluge revizije finansijskih izvještaja za period 2024. – 2026. godina, proveden metodom nabavke Konkurentski zahtjev za dostavu ponuda, jer su svi ponuđači čije su ponude ocjenjene formalno-pravno, tehnički i računski ispravnim ponudili izvršenje usluge po istoj cijeni (30.000,06 KM), zbog čega nije bilo moguće izvršiti izbor najpovoljnije ponude.

II

J.P. Međunarodni aerodrom "SARAJEVO" d.o.o. Sarajevo će, nakon proteka rokova za reviziju, provesti novi postupak nabavke usluge iz tačke I ove Odluke.

III

Komisija za provođenje ponovljenog postupka nabavke biće imenovana naknadno, posebnim rješenjem.

Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku Usluge revizije finansijskih izvještaja za period 2024. – 2026. godina, direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke, broj: 05-3-25-1-1393-3/24 od 04.06.2024. god., a Rješenjem, broj: 05-1-25-1-1393-9/24 od 19.06.2024. god., imenovao Komisiju za provođenje postupka.

U skladu sa naprijed navedenom Odlukom, J.P. Međunarodni aerodrom "SARAJEVO" d.o.o. Sarajevo (u daljem tekstu: Društvo) je dana 06.06.2024. godine na Portalu javnih nabavki objavio obavještenje o nabavci predmetne usluge, broj obavještenja: 246-7-2-462-3-137/24. Do ostavljenog roka za predaju ponuda, 05.07.2024. god., do 12,00 sati, na adresu Društva ponudu je dostavilo 7 (sedam) ponuđača. Na javnom otvaranju ponuda, održanom isti dan u 12,30 sati bez prisustva predstavnika ponuđača, pročitani su nazivi ponuđača i ponuđene cijene, i to:

- UHY REVIDENT d.o.o. Mostar: 30.000,06 KM, bez PDV-a;
- ORECONS&AUDIT d.o.o. Zenica: 30.000,06 KM, bez PDV-a;
- BAKER TILLY RE OPINION d.o.o. Sarajevo: 30.000,00 KM, bez PDV-a;
- ADDRESS d.o.o. Sarajevo: 30.000,06 KM, bez PDV-a;
- ZUKO d.o.o. Sarajevo: 30.000,06 KM, bez PDV-a;
- ALFA REVIZIJA d.o.o. Banovići: 30.000,06 KM, bez PDV-a;
- GRANT THORNTON d.o.o. Banja Luka: 30.000,06 KM, bez PDV-a.

Nakon javnog otvaranja ponuda, Komisija se sastala radi detaljne analize ponuda, te je konstatovala da su ponude ponuđača UHY REVIDENT d.o.o. Mostar, ORECONS&AUDIT d.o.o. Zenica, ADDRESS d.o.o. Sarajevo i GRANT THORNTON d.o.o. Banja Luka, formalno-pravno, tehnički i računski ispravne, te prihvatljive, dok su ostale ponude ocijenjene neprihvatljivim, i to iz sljedećih razloga:

- **BAKER TILLY RE OPINION d.o.o. Sarajevo:**

Ponuđač nije u potpunosti popunio Aneks III - Obrazac za cijenu ponude, tačnije nije unio vrijednosti prevoda dokumentacije, nije naznačio jedinične cijene, nego je naveo da je cijena uključena u ponudu, što nije prihvatljivo, niti je u skladu sa Zakonom o javnim nabavkama. Također, ponuđač nije dostavio sadržaj ponude, zahtjevan tačkom 2.1 pod a) tenderske dokumentacije.

Imajući u vidu član 57. stav (1) Zakona o javnim nabavkama, kojim je propisano da je ponuđač dužan pridržavati se svih zahtjeva i uslova iz tenderske dokumentacije, Komisija je ovu ponudu odbacila u skladu sa članom 68. stav (4) tačka i), s obzirom da ne ispunjava sve što je zahtijevano tenderskom dokumentacijom, tj ocijenila je istu kao neprihvatljivu.

Vrsta dok.	Izdavač
ODL	05-1
Strana: 2 od 2	
JAVNO	

- ZUKO d.o.o. Sarajevo:
Kopija ponude dostavljna je na USB stiku, što nije u skladu sa tačkom 5.3 tenderske dokumentacije gdje je navedeno da „Digitalna kopija se može dostaviti na CD-u ili DVD-u“.
U skladu sa navedenim, a imajući u vidu član 57. stav (1) Zakona o javnim nabavkama, kojim je propisano da je ponuđač dužan pridržavati se svih zahtjeva i uslova iz tenderske dokumentacije, Komisija je ovu ponudu odbacila u skladu sa članom 68. stav (4) tačka i), s obzirom da ne ispunjava sve što je zahtijevano tenderskom dokumentacijom, tj ocijenila je istu kao neprihvatljivu.
- ALFA REVIZIJA d.o.o. Banovići:
Kopija ponude dostavljna je na USB stiku, što nije u skladu sa tačkom 5.3 tenderske dokumentacije gdje je navedeno da „Digitalna kopija se može dostaviti na CD-u ili DVD-u“.
U skladu sa navedenim, a imajući u vidu član 57. stav (1) Zakona o javnim nabavkama, kojim je propisano da je ponuđač dužan pridržavati se svih zahtjeva i uslova iz tenderske dokumentacije, Komisija je ovu ponudu odbacila u skladu sa članom 68. stav (4) tačka i), s obzirom da ne ispunjava sve što je zahtijevano tenderskom dokumentacijom, tj ocijenila je istu kao neprihvatljivu

Komisija je, nakon izvršenog pregleda i ocjene svih ponuda, utvrdila da su sva 4 (četiri) ponuđača čije su ponude ocjenjene kao prihvatljive ponudile izvršenje predmetne usluge po istoj cijeni, pa s obzirom da je kriterij za izbor ponude bio najniža cijena, a da zakonskim i podzakonskim propisima nije propisano postupanje ugovornog organa kod ovakvih činjenično-pravnih okolnosti u smislu utvrđivanja koja je ponuda najpovoljnija, zaključeno je da ne postoji mogućnost odabira najpovoljnije ponude, pa je Komisija predložila Upravi Društva da se predmetni postupak poništi i, nakon proteka rokova za reviziju, ponovi.

Uprava Društva je na svojoj 231. sjednici, održanoj dana 25.07.2024. god., razmotrila navedeni izvještaj i prijedlog Komisije, te je isti i prihvatila, ocjenjujući da su se stekli uslovi za poništenje predmetnog postupka javne nabavke iz člana 69. stav (3) Zakona o javnim nabavkama, kojim je propisano: „Ugovorni organ može otkazati postupak javne nabavke samo zbog dokazivih razloga koji su van kontrole ugovornog organa i koji se nisu mogli predvidjeti u vrijeme pokretanja postupka javne nabavke“.

Imajući u vidu naprijed navedeno, Uprava Društva je, na osnovu člana 70. Zakona o javnim nabavkama, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.



DIREKTOR

Alan Bajić

Prilog: Zapisnik o pregledu i ocjeni ponuda;

DOSTAVLJENO:

1. Upravi Društva (orig.)
2. Ponuđačima
3. Sektoru za administrativnu podršku
 - Služba nabavke (orig)
 - Služba za pravne poslove i protokol
4. a/a